

Nylander, W. 1849 (1848)

ADDITAMENTUM ALTERUM
ADNOTATIONUM IN MONO-
GRAPHIAM FORMICARUM
BOREALIUM,

AUCTORE

WILLIAM NYLANDER.

(Societ. Scient. exhib. die 1 Nov. 1846.)

Adnotationibus nostris prioribus in Monographiam Formicidarum borealium jam editis inter Auctores pro eo capite consulendos prætervisum invenimus meritissimum Gould, ejus *Account of English Ants* anno 1747 prodit, ubi optima traditur historia horum insectorum, licet Entomologos sequentes eandem rem tractantes fugisse videtur. Gould multa detexit, quæ deinde ab aliis opus ejus ignorantibus denuo observata et publicata sunt. Notiæ ejus de speciebus, ovis, larvis, pupis et imaginibus formicarum longe præstantissimæ adparent pro tempore illo. Ova mares feminasque producentia primo progenari, tum ova operariarum, sive ac De Geer pupam Myrmicarum folliculo haud circum-

textam esse, folliculos ab operariis, quando maturae sunt pupae, aperiri, inter alia commemorat *).

Observationes de speciebus praesertim Fennicis continuantes aestate preterlapsa in Ostrobothnia boreali sequentes adnotavimus species. 1) *Formica herculeana* sat frequenter. Feminae exalatae saepe sub cortice truncorum in fossulis oblongis solitariae reperiuntur, interdum una cum² cumulo parvo ovorum. Obscura sane videtur sors progeniei ejusmodi curis operiarum omni jam pro nutritu carentis. 2) *Formica rufa* frequentissime. Individua alata usque sub fine m. Junii obvia. Mesosternum feminæ plus vel minus late nigrum. 3) *Formica dominula* haud rare, numquam vero hic operarias auxiliarias speciei aliis sibi adjungens visa. Alata ad Uleåborg d. 22 Julii frequenter in nido intra truncum pini (sicut *truncicola*), in paroecia Kuusamo inveniente m. Augusto in acervo ad truncum exstructo. Maris clypeus aliquando apice obsoletè sinuatus, abdomen nudum (tantum sericum) setulis aliquot tenuibus parvis in marginibus segmentorum 2 ultimorum, pedes tali rufo-testacei, coris saepe fusco nigris **). 4) *Formica truncicola* passim. Initio m. Augusti ♂ ♀ in Kuusamo. 5) *For-*

*) Vide Kirby, *An Introduction to Entomology*, London 1823, Edit. 3, Vol. 2, pag. 48 seqq.

**) Feminas *F. dominula* ex Ulaburgo cum iis *F. cunicularia* et varietatem maris *F. fuscæ* cum maribus ejusdem sub studiis primis confundentes, in Adnotationibus ad „Fenniam maxime borealem“ extendimus habitationem *F. cunicularia*, sed perperam, nam ultra Kareliam septentrionem versus nobis haud obvia fuit.

mica congerens satis frequens. In Kuusamo intra acervum in prato a fragmentis gramineis et ramiulis betulinis confectum mares plurimi aderant. Insra cum aliis formis ante ignotis est describendus. 6) *Formica exsecta* frequenter. Variat squamu minus emarginata. Mares et feminæ versus finem mensis Juli et usque ad medium m. Augusti. 7) *Formica pressilabris* parcus. Mares in medio m. Juli. 8) *Formica picea* passim. Etiam in Kuusamo in sphagnosis. 9) *Formica fusca* vulgaris in terra, sub lapidibus et sub cortice vel in ligno putrescente truncorum. Individua alata primum fine m. Julii. 10) *Formica nigra* passim ad Uleåborg et in paroec. Pudasjärvi. Mares feminæque inde ab initio m. Augusti. 11) *Formica flava* ad Uleåborg parcus. Mares et feminæ eodem tempore ac praecedentis. 12) *Myrmica lævinodis* frequens. Dorsum thoracis operariae (subtransversim et subreticulatim, metanotum sublongitudinaliter) confuse rugulosum, pleuris longitudinaliter striatulus, nodi sublaeves lateribus obsolete paululum (sepe indistincte) longitudinaliter rugulosi, posterior subnitidus, laevior. 13) *Myrmica ruginodis* frequentissime. Operaria similis praecedenti, at crassius rugosa, spinis longioribus magis aculeiformibus; nodi distincte longitudinaliter confuse rugosi, posterior sepe supra sublaevis; spinæ nonnumquam curvatusculæ. Mas subnudus; a mare *M. lævinodis* differt corpore nudiore, pubescentia antennarum peduncule breviore. 14) *Myrmica sulcinodis* in montosis Kuusamoënsibus passim sub lapidibus. 15) *Myrmica scabrinodis*. In par. Kuusamo in cæspite muscoso nidum inveni. 16) *Myrmica lobicornis* passim. Variat

operaria thorace quoque fere toto fusco-nigricante, mandibulis, antennis et pedibus pallide rufescentibus. 17) *Myrmica acervorum* satis frequens sub lapidibus, muscis et cortice truncorum. 18) *Myrmica sublevis* n. sp. in nido praecedentis in Kuusamo. 19) *Myrmica nitidula*, in Pudasjärvi, D. Mäklin.

Mense Septembri individua alata ad Helsingfors adhuc occurrere *Formicarum ligniperdæ, pressilabris* ♂, *exsectæ* ♂, *nigræ, flavæ* et *Myrmicarum lœvinodis, ruginodis, scabrinodis*. In fine hujus mensis feminæ exalatae *F. nigræ* solitariæ in fossulis parvis degentes obviae; in una fossula sub muscis simul cum seminatali operariæ nonnullæ aderant ejusdem speciei solitis saltem duplo minores, longitudinem 3 millimetrorum haud adtingentes. Similiter eodem tempore et modo feminam *F. herculeanæ* cum operariis aliquot parvis (6 millimetra longis, var. b Adnotat pag. 894) cohabitantem vidi. — Operarias *F. rufæ* adhuc initio m. Octobris in nidis excludi observavi.

Inter formicidas a D. v. Motschulski e Rossia meridionali nobis missas species in terris quoque borealibus obvenientes aderant *F. pressilabris, cunicularia, nigra, M. scabrinodis, lœvinodis, nitidula* et *fuscula* *) (hæc, ut in nostris solet, thorace vel infra et in pleuris rufescente vel obscuriore).

*) Una quoque forma major (3½—4 millim. longa) et tuberculis metathoracis dentiformibus fere obtusioribus, colore corporis, ut in nostra boreali, fusco-rufescente, capitis infra, oris et pedum pallescente. — Hic animadvertisimus, quod verisimiliter *M. caspium* Latr. *fusculæ* sit synonymon

E formis nobis novis primo memoranda est formica acervicola quædam circa Helsingfors frequens, quæ forte *F. rufæ* tantum sit varietas. Nominetur *F. major*. Est circ. 7—7½ millim. longa (*rufa* circ. 6½ millim.), similis omnino rufæ, at paulo major, squamâ subpentagona supra (interdum minus distincte) obtuse subangulatum parum emarginatâ; similis] quoque *F. congerenti*, sed differens formâ squamæ nuditateque corporis (ut in *rufa*). Individua minora, ut in omnibus speciebus hujus generis, occurunt. Sexualia in acervis *F. majoris* invenire haud contigit. Ulterius observanda est.

F. truncicola.

Mas.: niger, parum cinereo nitens, crebre pilosulus pedibus et genitalibus rufis, squamâ petioli subquadrata crassa supra parum concaviuscula, alis albescenti-hyalinis, fere totis infuscatis, nervis fuscis, stigmate atro, longitudine corporis fere 9 millimetrorum.

Similis est mari *F. rufæ*, at distinguitur pilositate corporis crebra, alis paulo obscurius sumatis, nervis et stigmate obscurioribus. Area rontis triangularis nitida. Oculi pilosuli. Alæ antice longitudine 8 millimetr. Pedes rufo-pallescentes femoribus plus minus fuscescentibus. Abdomen crebre breviter pilosulum; valvula analis ventralis rufa nitidissima. — Huic sine dubio referendum est synonymon *F. lugubris* Zett. Ins. Lapp. 449, 6, cuius specimen typicum, in societate cum *F. obsoleta* var. *b*, h. e. nostra *truncicola* captum est,

F. congerens.

Mas: niger parum cinereo-nitens, capite thoraceque crebre nigro-pilosulis, pedibus et genitalibus ad partem rufescensibus; squama subquadrata, margine supero attenuato concaviusculo; alis albescenti-hyalinis sere totis infuscatis, nervis fuscis, stigmate atro; longitudine corporis 9 millimetrorum.

Similis mari *F. rufa* et precedentis, distat autem ab illo pilositate crebriori, stigmate adhuc obscuriori, ab hoc abdomine multo nudiore, atque ab ambis margine squamæ petiolaris supero acutiore. Area frontis triangularis opaca. Oculi pilosuli. Alæ anticae 9 millimetr. longæ. Pedes aut fuscæ articulationibus pallescentibus vel ad maximam partem rufo-pallescentes. Squama marginè supero subacuto (in affinibus obtuso). Abdomen parce pilosulum; genitalia sèpissime sordide rufescens, valvula ventrali plns minus fusca.

F. fusca.

Operaria: fusco-nigra subnitida dense cinereo-nitens, mandibulis, antennis et pedibus sordide rufis, ocellis parvis, squama late triangulariter rotundata, longitudine corporis circ. 5½ millimetrorum.

Admodum similis in omnibus partibus *F. glebaria* nostræ ægrecque distinguenda colore corporis nigri paulo magis fuscescente, mandibulis, antennis pedibusque dilutius rufescensibus, canescens sericea paulo forsitan ditiore. Flagella apice fuscescentia, femora basi paululum obscurata, alias color antennarum pedumque sat rufus. — Ut vulgaris est *F. glebaria* in Finlandia meridionali, ita *F. fusca* in boreali (in terra et in truncis velustis nidificans).

Obs. Abdomen nitidius, subænescens, squama supra integra vel subintegra et color pedum marem hujus distinguit a mare *F. cunicularia*. Raro femora in *fusca* ♂ basi fuscescunt, sed etiam tum jam tarsi tibiis concolores late raso testacei e pedibus differentiam præbent ab eodem.

M. lobicornis.

Mas.: nigro-fuscus nitidus parce tenuiter flavido-pilosulus, mandibulis, antennis et pedibus testaceo-pallescentibus, scapis, femoribus tibiisque obscuratis; fronte, pleuris et nodo primo petioli longitudinaliter striatulus; scapis basi curvatis longitudine tertiae, partis totius antennæ; alis, hyalinis obsoletissime cinereo-pallescentibus; pedibus pubescentibus; corpore fere 5 millimetra longo.

In nido maximo hujus in terra sub lapide ad Uleåborg mares d. 11 m. Augusti numerosissimos inveni, seminam vero solum unicum.

Characteribus illis ab affinis cognitis statim discernendus, *M. lævinodi* ♂ paulo minor. Caput subtilissime in fronte longitudinaliter et alibi granulatum rugosum; antennæ 13-articulatae sparse breviter pilosulae, paululum longiores quam apud *M. scabrinodem* ♂ (multoque nudiores), scapus pallide suscens basi subangulatum (fere ut in *M. sulcinodi* ♀) curvatus, longitudine articulorum 5 sequentium; articuli 3—6 æquales parvi, 7—8 sensim maiores; flagellum et apex scapi pallide testacea. Thorax meso-, metapleuris, scutello et metanoto longitudinaliter striatis; metathorax postice processu obtuse-angulato vel subdentiformi utrinque, spatio excavato lœvi nitido. Aliae ut in *M. scabrinodi*, fere pallidiores, antice 4½ millim. longæ. Pedes pubescentes olivaceo-pallidi, articulationibus tarsisque testaceo-pallidis. Nodus petioli anterior longitudinaliter parum striatulus posterior lœvis. Abdomen æspe apice et marginibus segmentorum paulo pallescentibus.

Myrmica rugulosa n. sp.

Operaria: sparse flavidæ-setulosa pallide ferruginea, abdome supra parum fuscescente, capite thoraceque longitudinaliter rugoso-striatus, spinis metanoti longis, rugis nonnullis in nodis petioli, longitudine corporis $3\frac{1}{4}$ — $4\frac{1}{4}$ millimetrorum.

Femina: similis operariæ præter differentias sexuales, crassius rugosa, longitudine 5 millim.

Parce ad Helsingfors sub lapidibus. Inter formicas a D. Doctore Dahlbom olim e Suecia missas etiam immixta.

♂. Similis operariæ *M. ruginodis* (5— $5\frac{1}{2}$ millim. longo), sed minor, capite thoraceque opacis (nec sicut in illa subnitidis), colore pallidiore. Caput totum pallide ferrugineum vel rufo-testaceum, confertim rugoso-striatum et subreticulatum, in intersticiis subtiliter coriaceum vel rugulosum; clypeus totus striatus, area frontalis triangularis sepiissime indistincta; oculi prominuli. Thorax mesonoto confertim confuse sublongitudinaliter, pleuris et metanoto longitudinaliter sat crasse rugosis; spinæ fere æquales ac in *ruginodi* ♀, forte paululum breviores. Pedes pubescentes (vel decumbenti-pilosuli), subnitidi. Nodi petiolares pallide rufi opaci obsolete longitudinaliter rugosi, nodus posterior sulco solito lateralí utrinque. Venter in mortuis basi fuscescens.

♀. Similis omnino feminæ *M. ruginodis*, magis autem opaca paulum minor, area frontis triangulari indistincta, nodis lævioribus. Caput supra obsolete fuscanum; clypeus totus et locus areæ triangularis striatus. Thorax unicolor longitudinaliter rugoso-striatus, spinis fere æque longis ut operariæ. Nodi petioli opaci rugulis nonnullis obsolete longitudinalibus. Abdomen supra infraque fuscescens, apice late præsertim infra pallide rufum. — Specimen solum unicum femineum hucusque exalatum inveni.

Myrmica sublaevis n. sp.

Operaria: pallide rufa crebre flavescenti setulosa, abdomine fusco-nigro; antennis validiusculis 11-articulatis; capite magno et thorace longitudinaliter striatulis, illo utrinque ad oculos excavato; spinis metathoracis mediocribus; nodo petioli posteriore infra dentate valido antice instructo; longitudine corporis circiter $4\frac{1}{2}$ millimetrorum.

Rare in paroecia Kuusamo sub cortice trunci betulini putrescentis capta in nido *Myrmicæ acervorum*, ubi parasitice sedaliter habitabat, qua vita congruentiam cum sequente ostendit.

Ad *M. nitidulam* accedens, multo vero major, capite proportione alia, lamina frontali explicata &cet. Caput subnitidum leviter longitudinaliter striatum magnum, subrectangulare, ad os fere latius quam ad occiput, longitudine $1\frac{1}{2}$ milium, abdomine latius; mandibulæ nitidæ, apice fuscescente laevi; clypeus parvus in medio impressiusculus, nitidus; antennæ sat crassæ rufæ subnitidæ, articulis 5 ultinis flagellorum majoribus; pro scapis antennarum intus ab oculis tovea adest utrinque oblonga in latere frontis acute marginata, unde lamina frontalis lateribus (marginibus acutis) subparallelis ad verticem fere extensa oritur; vertex et occiput lœvia, hoc parum concavatum. Thorax leviter sublongitudinaliter striatus vel rugulosus, suturâ inter meso- et metathoracem (vel rectius inter scutellum et metathoracem) impressa profunde constrictus; spinis sat validis. Pedes paululum pubescentes, ferruginis parce setulosis. Nodi petioli subseqüe longi obsolete rugulosi, rufi, supra visi anterior longitudinalis tenuiter tricarinatus, carina una infra et una in latere utroque, posterior transversus infra processu dentiformi valido. Abdomen politum fusco-nigrum, basi et infra pallescens.

M. nitidula Additam. 1 pag. 1058.

Operaria: lœvis tota nitidissima, nuda, rufa, abdomine fusco, antennis 12-articulatis, metathorace dente valido horizontali ultrinque, nodo petioli posteriori infra spinula valida antice instructo, longitudine corporis $2\frac{3}{4}$ millim.

Femina: similis operariæ præter differentias sexuales, obscurior, longitudine corporis 3 millimetrorum.

Ad Helsingfors hoc auctumno frequenter in acervis *F. majoris*. Cum *F. congerente* et *rufa* quoque obvia. Feminas plurimas in acervis singulis invenimus exalatas. Totam vitam verisimiliter intra acervos formicinos peragit hæc species parasitica, quia nullibi alias occurrit. Pleiorem ejusdem hic dabimus descriptionem.

♀. Pili capitis thoracisque rare sparsi tenuissimi, microscopi. Caput ad os paulo latius quam ad occiput; mandibulæ apice denticulatæ; genæ subtilissime rugulosæ, clypeus sat magnus disco planus, areæ triangularis nullum vestigium; antennæ validiusculæ, processu frontali supra radices earum vix ullo; oculi mediocres alii. (In individuis multis ocellos vidimus). Thorax dorsum æquale convexiusculum; depressio suturalis inter scutellum et metathoracem leviter immersa. Pedes validiusculi, nudi. Nodi petioli subtilissime microscopice granulato-rugulosi, quare etiam nitore omni (nisi supra) carent; posterior spinula infra sita dentiformi antrosum versu, (in *fuscula* ibidem tuberculatum), anterior infra processu compresso cariniformi. Abdomen fuscum apice rufescens. Variat color corporis rufus (ut in *M. muscorum* et *tuberum*) pallidior vel obscurior.

♀. Statura seminarum solita ocellis, suturis dorsi thoracis planiusculi et scutelli distinctis. Mandibulæ et genæ striatulæ. Abdomen sæpius totum fuscum. Alæ in specimini bus examinatis desunt, in unico ala postica albo-hyalina tantum restat.

Occasione hac uti liceat formas quasdam formicarum Europæ meridionalis ante ignotas exponendi, quæ momenta comparationis cum borealibus præbentes jam speciebus nostris strictius accuratiusque circumscribendis conferant itaque proposito. Additamente hujs consulant.

1. **Formica migrata** n. sp. ♀: subnitida, sparse flavido-pilosa, nigra, antennis piceis; mandibulis, (tibiis et) tarsis rufis; squama crassiuscula oblonga; longitudine corporis 6 millim. et ultra. — ♀: nigra nitida, tarsis rufo-piceis, squama subquadrata, alis albo-hyalinis nervis et stigmate dilute flavo-brunnescentibus; 8 millim. longa. — ♂: subnitidus, totus niger, squama parva humili supra concaviuscula; 6 millim. longus.

E Messina a Cel. Zeller ♀, e Rossia meridionali ♀ ♀ ♂ a D. Motschulski.

♀. Pertinet hæc species ad subdivisionem nostram generis *Formicas* primam. Caput solito angustius in ea subdivisione vel ut in var. b. *F. herculeana*; palpi fusi; carina clypei distincta; antennæ obscure piceæ; area frontis triangularis parva obsoleta; ocelli nulli. Dorsum thoracis longitrosum æqualiter convexiusculum; metathorax valde compressus. Pedes picei, articulationibus, tibiis tarsisque rufis. Squama mediocris ovali-oblonga

supra convexa, pilis aliquot obsita. Abdomen subnitidum pubescentia depresso et pilis erectis adspersum (situ certo in exemplaribus binis coeruleo-scens). Specimen russicum antennas et pedes habet obscuriores, tibias nigro-piceas. — ♀ nigra tota, punctulata et subtiliter coriacea, articulationibus pedum tarsisque piceo-rufis. Alas antice ut in diagnosi statuitur, 9 millim. longæ. Squama supra integra, margine sat tenui. — ♂ angustus, omnino niger, punctulatus et subtilissime coriaceus. Oculi nudj. Flagella antennarum pedesque pilosa. Alas sicut semiuæ, antice 6 millim. longæ.

2. *Formica pallens* n. sp. ♀: subnitida, rare pilosa, pallide rufa, abdomine fuscescente, squama crassiuscula oblonga; longitudine corporis 5—6½ millimetrorum.

E Messina reportata a Cel. Zeller.

Subdivisionis primæ sicut præcedens, cui ad formam magnitudinemque est similis. Caput, thorax et pedes pallide rufa, oculi atri. Area frontalis nullum vestigium visibile. Abdomen fuscescens basi pallidum vel fere totum pallide fuscum.

3. *Formica atricolor* n. sp. ♀: nitida pilis raris adspersa, pure nigra, antennarum scapis tarsisque rufescens, thoracis dorso subæquali metathorace postice angulo recto truncato, squama crassa supra convexa, longitudine corporis 4—5 millim.

E Rossia meridionali a D. Motschulski.

Caput mediocre (fere ut in *F. glebaria*), subtilissime microscopice crebre punctulatum; clypeus carina obsoleta; area triangularis parva indistincta; mandibulae nigrae; scapus antennarum basisque flagellarum obscure rufa vel piceo-rufescens; steminata nulla. Thorax subtilissime coriaceo-rugulosus, præsertim in pleuris, dorso subplano, metanoto subrectangulari, depressione in-

ter scutellum et metathoracem vix ulla; metathorax postice abrupte truncata. Pedes nigri subnudi, articulationibus tarsisque rufis vel piceo-rufis. Squama mediocris cuneato-ovata postice plana, antice pulvinata, supra convexiuscula, tota coriaceo rugulosa. Abdomen rare albido pilosum.

4. *Formica dalmatica* n. sp. ♀: nitida sparsim pilosa, rubido-rufa, capite abdomineque nigris; metanoto longitudinale concaviusculo lateribus subacute marginatis, antice sat profunde discreto a scutello; squama crassiuscula supra convexa; longitudine corporis 4—5 millimetrorum.

Ex insula Dalmatica Lagosta Ccl. Zeller.

Propriæ pertinere videtur subdivisioni inter nostras primam et secundam. Caput formæ ut in *F. herculeana* ♀, subtilissime crebre punctato-rugulosum, nigrum, mandibulis et antennis rufis, flagellis apicem versus fuscescentibus; stemmata nulla. Pulvinar anterius thoracis (a mesonoto scutelloque conformatum) metanoto subrectangulari altius et duplo latius; pleuræ subtiliter punctato rugulosæ; metathorax postice (fere ut in præcedente) abrupte truncatus. Pedes rufi subnudi. Petiolus rufus, squama mediocris subcuneata, superficie posteriore plana, anteriore convexiuscula, margine supero rotundato pilis aliquot longis obsito. Abdomen totum nigrum, pilis rarissimis adspersum.

5. *Formica ænescens* n. sp. ♀: nitida, tenuiter canescenti sericea, nigra subænescens, tarsis rufescens, area frontis triangulari indistincta, squama subovata supra subtruncata, abdomine compressiusculo, longitudine corporis fere 7 millimetrorum. — ♀: tantum tarsis piceo-rufis, squama supra sinuatim emarginata, alis albescenti hyalinis totis obsolete infuscatis, nervis et stigmate

cinereo; fuscescentibus, longitudine corporis circ. 8 millimetrorum. — ♂ subsimilis seminæ, subnitidus, abdomine altiore quam thorax, area frontis indistincta, longitudine corporis $6\frac{1}{2}$ millim.

E Rossia meridionali a D. v. Motschulski, qui per literas communicavit eam pedes anticos in arena fodiendo adhibere.

♀. Ad subdivisionem nostram hujus generis tertiam pertinet, affinis *F. glebariae*, sed major, ænescens, squama paulo minori angustiori, abdomine paulo compresso. Subnuda capite thorace et scutello subnitidis tenuiter canescenti-sericeis, pili nonnulli in corpore rarissime sparsi. Mandibulæ validæ crasse longitudinaliter striatæ (in *glebaria* leviter indistincte), valide dentatae; area triangularis frontis nitida levissime tantum indicata, carina clypei distincta; antennæ obscure rufescunt; ocelli mediocre. Metathorax convexa. Pedes articulationibus tarsisque plus vel minus pure rufis, tibiis piceo-rufis; setulæ tenues parcæ in latere interiori tibiarum. Squama subrectangulariter ovalis, supra subtruncata, nuda. Abdomen nitidum nigro-æneum vel fere absque ænescencia. — ♀ nigra paulo ænescens, nitida capite thoraceque subtiliter punctulatis et strigulosis. Vestigium areæ frontalis triangularis obsoletum. Flagella piceo-rufescencia. Alæ anticae ut in diagnosi dictum, dilutissime præter aream costalem brunnescentes, 8 millim. longæ, area dicoidalis satis parva. Pedes geniculis, tibiarum apicibus tarsisque sordide rufis. Squama subrectangularis supra subangulatim sinuata. — ♂ Capite thoraceque subtiliter coriaceis, illo opaco, hoc subnitido, antennis et pedibus nigris, his articulationibus anguste rufescientibus, alis anticis $6\frac{1}{2}$ millim. longis, squama subquadrata supra leviter concaviuscula, apice abdominis cum genitalibus magnis rufescientibus; valvulae (vaginae) externæ linearè-exsertæ longe pilosæ, longitudine majore quam internæ, supra intermedias appendix utrinque tenuis cochleariformis majuscula, pagina superiore concaviuscula, valvulae internæ quoque lineares externis paulo angustiores apice rotundato-obtusæ *).

*) Sub nomine *Formica glabrella* D. v. Motschulski e Tscherkask misit operarias speciei *F. nigrae* affinis. Est paulo minor, angustior, pure nigra, glabra, geniculis et tarsis rufescientibus, metathorace valde ob-

C. Myrmica mutica n. sp. ♀: sparse flavido pilosa, pallide sordide rufescens, capite supra et tibiis fuscescentibus, ab domine fusco; capite magno et thorace striatulis; metathorace interi supra striis transversis, sat regularibus; nodis petioli rugulosis; longitudine corporis 7 millim. — ♀: nigra, ore cum mandibulis, geniculis pedum et tarsis obscure ferrugineo-rufis, flagellis rufescientibus; capite, pleuris et metathorace striatulis, nodis petioli rugulosis; alis albo-hyalinis, nervis et stigmate fuscis, areis cubitalibus tribus; longitudine corporis 11 millim. — ♂: niger flavido pilosus, capite et thorace obsolete striatulis vel rugulosis, praeter metathoracem distincte longitudinaliter striatum, longitudine corporis paululum ultra 5 milliu.

E Rossia meridionali D. v. Motschulski.

Magis affinis est *M. fusculæ*, quam ulli alii in Adnotationibus nostris allatum, notis autem datis illico distincta, ratione magnitudinis illius gigas. **O per a - ria:** Caput magnum, 2 millim. latum, supra visum subquadratum; mandibulæ latæ striatae; area triangularis frontis obsoleta striatula ut clypeus; antennæ proportione graciliore quam in *fuscula* ♀, pedicello cylindrico longitudine articulorum 2 sequentium, flagellarum articulis ultimis pauxillum solum crassioribus, quam ceteri; occiput laxe nitidinsculum; locus scutelli magni in dorso thoracis nitidinsculus nec striatura nulla distincta, metanotum toto usque ad apicem metathoracis transversim striatum margine utrinque subacuto, nulli vero processus laterales; femora infra canaliculata, tibiae subfuscæ; nodus petioli anterior gibbo superno altius elevato quam posterior; abdomen (praeter petiolum) paululum ultra 2 millim. longum. — **F emina:** Caput striatum ore et laminæ frontalis margine summo supra radices antennarum piceo-rufis;

liquo, squama parva nitida. Ex speciminiibus missis haud bene describenda.

mesonotum et scutellum subnitida, punctis sparsis pro insertionibus pilorum parvorum, mesopleura leviores quam propleura et metathorax, hic magis striatus utrinque postice a latere visus obtusissime angulatus; alae ant, fere 14 millim. longae, areis cubitalibus 3, fere ut in fig. 4, tercia solum indicata, media subcuneiformis (basin ala versus subpetiolata incipiens, apice fere in medio apud unum specimen nervo versus apicem vergente appendiculata), abdomen (præter petiolum) 5 millim. longum. — Massat similis mari *M. fuscula*, et differt pilositate, colore antennarum, pedum, nervorumquealarum et harum areis cubitalibus aliis; mandibulæ apice summo rufescentes, antennæ nigrae; pedes nigri geniculis summis et tarsis obscure rufescens, alæ albo-hyalinae nervis et stigmate pallide fuscis, anticae 7½ millim. longæ, area cubitalis media sicut feminæ appendiculata (in specimine nunc exanimato) metathorax supra utrinque postice obsoletissime subangulatum deflexus.

7. Myrmica striatula n. sp. ♀: nigra sparse flavido pilosula, ore antennis et pedibus rufis; capite, thorace nodisque petioli longitudinaliter striatis, thorace postice spinulis valdiviusculis acutis horizontaliter porrectis; longitudine corporis 2½ millim.

In ligno vetusto Rossiae meridionalis D. v. Motschulski.

Hanc parum speciem fert operariae *M. fuscula*, sed obscurior, sculptura profundiore, crassiore, thorace et tibiis brevioribus, spinulis illius horizontalibus (nec sursum obliquis), nodis aliis, abdomine latiore. Caput rugositate longitudinali minus discreta et profunda quam in thorace, antennis 12-articulatis paululum crassioribus quam in *fuscula* ♀. Thorax capite fere brevior, apice paulo piceo-rufescens et etiam nodi petioli subtus; impressio tergi planiusculi thoracis postice declivis transversa distincta nulla (in illa adest). Pedes pilis tenuibus sparsis, præsertim in tibiis breviusculis (in *fuscula* pili iis breviores, magis æquales). Nodus petioli anterior gibbo superne obsoleto fere in medio sita, nodus posterior supra visus paulo latior quam

longus et subrectangularis (angulis scilicet obtusis), ambo scabri. Abdomen nigrum nitidum supra visum ovato-rotundatum.

8. Myrmica Hippula n. sp. ♀: fusca nigricans parcissimamente pilosula; ore, antennis et pedibus rufescentibus, abdomine præsertim infra fere ejusdem coloris; rugositate capiti thoracisque irregulari, oculis valde minutis, spinulis metanoti parvis paulo sursum obliquis, petioli nodo primo elongatulo; longitudine corporis fere 3 millim.

E Rossia meridionali D. v. Motschulski.

Differt a *M. fuscula* ♀ præcipue capite angustiore, oculis fere triplo minoribus nodis petiolaribus gracilioribus, basi nodi anterioris supra visi linearum longiore quam pars gibbosa (in illa ♀ parte eadem brevior). Caput mediocre, clypeo et area minutissima frontis nitidiusculus, ceteroquin cum thorace confuse consertim rugulosum. Impressio tergi thoracis transversalis distincta, sat profunda; spinulae minutæ metathoracis oblique sursum paulo versæ. Pubescensia pedum (sicut antennarum) crebrior quam in *fuscula* et tibiæ robustiores. Nodus posterior supra visus nitidiusculus sublongitudinalis seu longitudinaliter ovato-rotundatus (in *fuscula* transversim ovalis, vide tabulam Adnotatt, fig. 36). Abdomen superne cum nodis brunneum, infra pallescens. (Unicum solum vidi specimen hujus speciei distinctæ.)

9. Myrmica diluta n. sp. ♀: pallide testacea, sparse flavido pilosula, capite supra obsolete et segmento abdominalis primo a basi trans medium dilute fuscenscentibus, capite longitudinaliter elevatiuscule striato, thorace cum nodis petioli opaco-rugositas, nodo posteriore læviore, spinis metathoracis longis; longitudine corporis 5 millim.

E Rossia meridionali D. v. Motschulski.

Forte est vera *M. rubra* Latreillii (seclusis ejus varietatibus). Valde affinis *M. lœvinodi*, sed fere major, pallidior, rugositate tenuiore, spinis paulo longioribus, nodis opacis; ut videtur, specie distincta, quam tamen e specimenibus binis illustratis accuratius hic describere nequeo. Fuscescentia dorsi segmenti primi abdominis diluta duas illius tertias partes anteriores occupat, abdomen alibi dilute testaceo-pallidum corpori cetero concolor.

Obs. Feminam in collectione Henningiana vidi huic affinem operariæ vel ejusdem speciei, abdome toto corpori reliquo concolore pallide rufo, spinis metathoracis mediocribus, fere ut in *M. ruginodi* ♀.

10. Myrmica pallida n. sp. ♂: tota pallide testacea lœvis, nitida, sparse pilosa, metathorace mutico, pedibus decumbenti-pilosulis, longitudine corporis 4 millimetrorum.

E Messina a Cel. Zeller.

Satis similis *M. lœvinodi* ♀, sed pallidior, paulo minor, glabra, marginibus laminæ frontalis supra radices antennarum minus explicatis, oculis minoribus atris, metathorace mutico. Area frontalis indistincta. Antennarum articuli 4 ultimi majores. Nodus petiolaris anterior declivitate antica nuda duplo longiore quam postica, infra antice dentis vel pretuberantia nullum vestigium.

11. Myrmica pallidula n. sp. ♀: tota pallide rufa, lœvis nitida, sparsim longe pilosa, antennis longis, clava flagellorum triarticulata, metathorace mutico, pedibus decumbenti pilosulis, longitudine corporis 2 millimetrorum.

E Messina a Cel. Zeller.

Forma capitis fere ut in *M. nitidula* ovato-oblonga; antennæ fere $1\frac{1}{2}$ millim. longæ, 12-articulatæ, scapo ultra occiput adtingente, articulis 10—12 crassioribus, basi paulo angustioribus (unde discretis); area frontalis distincta; oculi mediocres. In medio dorsi thoracis impressiones binæ transversæ, limites scutelli distincte demonstrantes (quod in hoc genere insolitum); metathorax subtilissime paululum rugulosus tuberculo utrinque postice parvo obsoleto vel nullo. Pedes longi.

12. **Myrmica flavidula** n. sp. ♀: minuta, tota pallide flavescens lœvis, nitida, pilosa, antennis clava flagellorum biarticulata, metathorace declivi mutico, pedibus pubescentibus, longitudine corporis $1\frac{1}{2}$ millim. vel adhuc minore.

E Rossia meridionali a D. Motschulski (ad flumen Don in terra sub lapidibus, sec. litt.).

Caput structuræ solitæ lateribus parallelis; antennæ sat breves, (ut apparet) 9-articulatæ, scapo longitudine circ. $\frac{1}{3}$ totius antennæ occiput minime adtingente, articulis 2—7 parvis æqualibus, 8 rotundato-conico triplo majori, ultimo priori duplo fere longiore subcylindrico apice subacuto; oculi valde minuti atri. Thorax pone medium suturâ ante metathoracem profunde constrictus. Pedes rigiduscule decumbenti pilosuli. Nodus petioli anterior gibbo paulo altiore quam posterioris. Abdomen in speciminibus aliis à basi ad medium sensim magis at dilutissime fuscescens. Hæc specimina in trunco querco, sec. D. Motschulski; inventa, certe vero hujus speciei. Individua minima vix 1 millimetro longiora.

Species sequentes propriæ subdivisionis generis Myrmicæ binas Messinæ captas benignissime communicavit Cel. Zeller, ab domine instructas subtriangulari, supra cujus basin truncatam adfigitur petiolus, ano acuto.

13. Myrmica sordidula n. sp. ♀: tota sordide brunnæ vel pallide fusca, abdomine apice obscuriori, lævis nitida, longe sparsim pilosa, metathorace spinulâ utrinque; longitudine corporis fere $2\frac{1}{4}$ millimetrorum.

Caput (supra visum) rotundatum; antennæ 11-articulatæ; clypeus convexus; area frontalis vestigium nullum; oculi mediocres ovales. Thorax obsoletè rugulosus suturâ ante metathoracem profunde constrictus; spinula validiuscula utrinque sursum paulo directa. Pedes rigiduscule sparsim pilosi. Petiolus (ut supra dictum), in superficie superiori baseos abdominis adfixus; nodi subnitidi, anterior declivitate antica plana nuda. Abdomen parte dimidia posteriore fusca.

14. Myrmica rubriceps n. sp. ♀: nigra capite rubro, depresso cinerascenti-pubescenti, subnitida, thorace longitudinaliter ruguloso, metathorace spinâ utrinque, nodis inæqualibus, anteriore antice dilatata, posteriore transversim didymo; longitudine corporis fere $3\frac{1}{4}$ millimetrorum.

Similis priori, at major, aliter colorata et insculpta, nodis aliis; species pulchra. Pili corporis rare sparsi, præter pubescentiam depressam. Caput formæ ut in precedente testaceo-rubrum; flagella versus apicem fuscescens; oculi atri. Thorax fusco-niger antice parum rubescens; spinis horizontaliter porrectis acutis. Pedes fusci subnudi, tantum sparsim depresso pubescentes, articulationibus et tarsis obscure rufescens. Nodus petioli anterior antice latior depressior, posterior supra longitudinaliter per sulcum divisus, igitur quasi didymus, ambo leviter rugulosi. Abdomen totona fuscum pubescentia depressa cinerascenti adspersum.

Addatur adhuc, quod **Myrmica unifasciata** Latr. a *M. muscorum*, cui nostrarum est proxima, secedat operaria: colore paulo pallidiore, dorso thoracis planiore, spinis longioribus (pro-

portione ut in *M. laevinodi*), abdominis segmento primo fascia indeterminata pone medium latiuscula et latera exinde versus basin fuscescentia tincta, margines segmentorum obsolete fuscescentes, caput supra obsoletissime. Femina latior, robustior, quam femina ejusdem, et longitudine $4\frac{1}{2}$ millim., colore pallido, praeter fasciam segmenti primi abdominis et alias ante summos margines ceterorum fuscas (quare abdomen 4-fasciatum adparet, fascia prima ceteris multo latiore), fuscescentia capitis superna et mesonoti lateribus anticeque in medio obsoleta vel vix ulla, alae albæ nervis sere ut in *M. tuberum* (vide Tab. fig. 6), area vero radiali pauxillum aperita, anticæ 4 millim. longæ. — Specimina e Russia meridionali a D. v. Motschulski missa.

Præcedentibus iam conscriptis novam detegere contigit Fau-næ Fennicæ speciem generis Myrmicæ, cuius descriptionem hic adnectere liceat. Nominetur

Myrmica hirtula.

Operaria: pallide rufa, crebre longiuscule flavo-setulosa, abdомине supra fuscana; capite sat magno, fronte longitudinaliter in medio striatula utrinque excavata; antenis validiusculis 11-articulatis; spinis metathoracis dentiformibus subhorizontalibus; nodo petioli etiam posteriore infra dente antice instructo; longitudine corporis sere $3\frac{1}{2}$ millimetrorum.

Ad Helsingfors in nido parvo *Myrmicæ muscorum* indiyidua novem inveni. Inquilina ejus videtur, tamquam *M. sublævis* *Myrmicæ acervorum*.

Ad propriam cum *M. sublævi* subdivisionem forma capitis, mandibulis inermibus, scapis deplanatis, foveis pro iisdem capitis utrinque et gibbo nodi petiolaris anterioris antice abrupte declivi se ab aliis *Myrmicis nostris* sejungentem pertinet. Vita parasitica simul ambæ convenient. — Simillima est *Myrmicæ sublævi*, sed multo minor, pilositate lutea rigida præsertim in capite thoraceque longiore, capite paulo magis elongato et abdome dilutiore. Caput supra visum (præter mandibulas) subrectangulare; mandibulæ læves nitidæ margine apicali concaviusculo lævi, inermi (in *M. nitidula* subsex-denticulato); antennæ scapo-deplanato; genæ ruguloso striatulæ. Thorax sublævis, vestigiis obsoletissimis rugulositatis et in pleuris striarum subtilissimarum; sutura ante metathoracem forte minus profunda et dentes metathoracia forte minores quam in *M. sublævi*; hi dentes fere pauxillum sursum obliqui. In femoribus infra pili nonnulli. Nodi petiolares ambo infra dente antice muniti; anterior altior superne a basi sua fere mox subverticaliter in gibbum ascendit. Abdomen supra pallide fuscum, spicæ dilutiore; aculeus solitus.

Corrigenda in Additamento primo:

- Pag. 1043 lin. 2 timidæ *l.* timidi
- 1044 — 23 place *l.* pliae
- 1049 — 15 ♀ *l.* ♀
- 1050 — 19 limites affinem intra *l.* affinem intra limites
- 1053 — 26 pagg. 926 *l.* pag. 936
- 1054 — 15 rubido-rufa *l.* pallide rubido-rufa
- 1056 — 32 spinilormibus *l.* spiniformia
- 1060 — 10 tice *l.* antice

In Additamento hoc:

- 26 — 12 nigrum *l.* fuscum
- 40 — 29 iis *l.* ii

Index specierum.

Genus *Formica*.

Subdivis. 1.

1. <i>F. herculeana</i> L.	Pag.	894, 1044.
2. <i>F. ligniperda</i> Latr.	—	898, 1045.
3. <i>F. pubescens</i> Fabr.	—	899.
<i>F. nigrata</i>	—	35.
<i>F. pallens</i>	—	36.
* <i>F. dalmatica</i>	—	37.

Subdivis. 2.

4. <i>F. vividula</i>	—	900.
-----------------------	---	------

Subdivis. 3.

5. <i>F. rufa</i> L.	—	902, 1047.
— major var. (credo)	—	29.
6. <i>F. dominula</i>	—	905, 26.
7. <i>F. congener</i>	—	906, 30.
8. <i>F. truncicola</i>	—	907, 29.
9. <i>F. exsecta</i>	—	909, 27.
10. <i>F. pressilabris</i>	—	911.
11. <i>F. cunicularia</i> Latr.	—	913.
<i>F. atricolor</i>	—	36.
12. <i>F. fuliginosa</i> Latr.	—	915.
<i>F. cenescens</i>	—	37.
13. <i>F. picea</i>	—	917, 1059.
14. <i>F. glebaria</i>	—	917.
15. <i>F. fusca</i> L.	—	919, 30.
16. <i>F. nigra</i>	—	920, 38.
<i>F. glabrella</i> Motsch.	—	38.
17. <i>F. flava</i> Fabr.	—	922.
18. <i>F. umbrata</i>	—	1048.
19. <i>F. mixta</i>	—	1050.

Genus *Myrmica*.

Subdivis. 1.

20. <i>M. laevinodis</i>	—	927, 27.
21. <i>M. ruginodis</i>	—	929, 27.
22. <i>M. scabrinodis</i>	—	930.
<i>M. granulinodis</i>	—	1060.

23.	<i>M. lobicornis</i>	Pag.	932,	31.
24.	<i>M. sulcinodis</i>	—	934.	
25.	<i>M. rugulosa</i>	—	82.	
	<i>M. diluta</i>	—	41.	
	<i>M. pallida</i>	—	42.	
	<i>M. pallidula</i>	—	42.	
	<i>M. flavidula</i>	—	43.	
26.	<i>M. fuscula</i>	—	935,	1053.
	<i>M. striatula</i>	—	40.	
	<i>M. lippula</i>	—	41.	
	<i>M. mutica</i>	—	39.	
	<i>M. bicarinata</i>	—	1061.	
	<i>M. unifasciata</i> Latr.	—	44.	
27.	<i>M. acervorum</i> Zett.	—	937,	1057.
28.	<i>M. muscorum</i>	—	1054.	
29.	<i>M. tuberum</i> Zett.	—	939,	1057.
30.	<i>M. nitidula</i>	—	1058,	34.
	Subdivis. 2.	—		
31.	<i>M. sublævis</i>	—	33.	
32.	<i>M. hirtula</i>	—	45.	
	Subdivis. 3.	—		
	<i>M. sordidula</i>	—	44.	
	<i>M. rubriceps</i>	—	44.	

Obs. Numeri ordinis ante adfixi sunt solum speciebus borealibus Europæ; species asterisco denotata incertæ perlinet subdivisioni, quam ob defectum specimen sexualium determinare haud potui. Numeri paginarum inter 894–934 et 1044–1061 Tomum præcedentem Actorum Societatis Scientiarum respiciunt; ceteri præsentis sunt Additamenti alteri. Tribus speciebus iterum additis, Formicidæ cognitæ Fennicæ inveniuntur 31, quarum Formicæ generis 18 et Myrmicæ 13.